


AUTODESK





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ Ո Ր Ո Շ ՈՒ Մ

9 նոյեմբերի 2017 թվականի N 1430 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2001 ԹՎԱԿԱՆԻ
ՀՈՒՆՎԱՐԻ 10-Ի N 15 ԵՎ 2003 ԹՎԱԿԱՆԻ ՍԵՊՏԵՄԲԵՐԻ 11-Ի N 1138-Ն
ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ԵՎ ՈՐՊԵՍ
ՆՎԻՐԱԲԵՐՈՒԹՅՈՒՆ ԳՈՒՅՔ ԸՆԴՈՒՆԵԼՈՒ ՄԱՍԻՆ

Ղեկավարվելով Հայաստանի Հանրապետության հողային օրենսգրքի 65-րդ հոդվածի 6-րդ մասով և հիմք ընդունելով Հայաստանի Հանրապետության քաղաքացիական օրենսգրքի 605-րդ հոդվածը՝ Հայաստանի Հանրապետության կառավարությունը **ո ր ո շ ու մ է.**

1. Ուժը կորցրած ճանաչել՝

1) Հայաստանի Հանրապետության կառավարության 2001 թվականի հունվարի 10-ի «Հայաստանի Հանրապետության Շիրակի մարզի Գյումրի քաղաքում 1988 թվականի երկրաշարժի հետևանքների վերացման լրացուցիչ միջոցառումների իրականացման մասին» N 15 որոշման հավելվածի 7-րդ կետը.

2) Հայաստանի Հանրապետության կառավարության 2003 թվականի սեպտեմբերի 11-ի «Հայաստանի Հանրապետության Շիրակի մարզպետարանին շենք հանձնելու և Հայաստանի Հանրապետության կառավարության 2001 թվականի հունվարի 10-ի N 15 որոշման մեջ լրացում կատարելու մասին» N 1138-Ն որոշման 1-ին և 2-րդ կետերը:

2. Առաջարկել Գյումրու քաղաքապետին Գյումրի քաղաքի Գարեգին Նժդեհ փողոցի N 2/20 հասցեում գտնվող նախկին «Շիրակ» հյուրանոցի շինության զբաղեցրած և դրա սպասարկման համար նախատեսված 0,3780 հեկտար մակերեսով և 7,234.920 դրամ կադաստրային արժեքով հողամասը՝ համաձայն N 1 հավելվածի, նվիրաբերել Հայաստանի Հանրապետությանը:

3. Հայաստանի Հանրապետության կառավարությանն առընթեր պետական գույքի կառավարման վարչության պետին՝ սույն որոշման 2-րդ կետում նշված հողամասի նկատմամբ պետության սեփականության իրավունքի պետական գրանցումից հետո Հայաստանի Հանրապետության Շիրակի մարզի Գյումրի քաղաքի Շահումյան 123Ա հասցեում գտնվող «Բասենի Գովք» սահմանափակ պատասխանատվությամբ ընկերության հետ կնքել հողամասի և դրա վրա գտնվող կիսաքանդ շինության նվիրաբերության պայմանագիր՝ դրանում նախատեսելով, որ «Բասենի Գովք» սահմանափակ պատասխանատվությամբ ընկերությունը պարտավոր է՝

1) պայմանագիրն ուժի մեջ մտնելուց հետո երեք տարվա ընթացքում ավարտել սույն որոշման N 2 հավելվածում ներկայացված ներդրումային ծրագիրը՝ ծրագրի իրականացման համար ներդնելով 1,0 մլրդ դրամ.

2) ստեղծել 100-150 նոր աշխատատեղեր.

3) պահպանել և վերականգնել կիսաքանդ շինությունում առկա թեմատիկ քանդակները.

4) պայմանագրով նախատեսված աշխատանքները երեք տարվա ընթացքում չավարտելու դեպքում հողամասը և դրա վրա կատարված ներդրումներն ու անբաժանելի շինությունները վերադարձնել Հայաստանի Հանրապետությանը՝ ի դեմս Հայաստանի Հանրապետության կառավարությանն առընթեր պետական գույքի կառավարման վարչության:

4. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ
2017 թ. նոյեմբերի 21
Երևան



Կ. ԿԱՐԱՊԵՏՅԱՆ